

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
OPĆINSKI SUD U SARAJEVU
Broj: 65 0 St 1018562 23 St
Sarajevo, 19.07.2024. godine

Općinski sud u Sarajevu, i to stečajni sudija Ivana Kulić, u stečajnom postupku koji se vodi nad privrednim društvom „COMACO-TRADING“ d.o.o. Sarajevo, ulica Himze Polovine broj 35, Sarajevo, dana 19.07.2024. godine, donio je sljedeće:

R J E Š E N J E

Prijava potraživanja KJKP „VODOVOD I KANALIZACIJA” d.o.o. Sarajevo od 10.05.2024. godine, se odbacuje kao neblagovremena.

O b r a z l o ž e n j e

Rješenjem ovoga suda od 19.10.2023. godine otvoren je stečajni postupak nad imovinom privrednog društva „COMACO-TRADING“ d.o.o. Sarajevo, ulica Himze Polovine broj 35, Sarajevo.

Predmetnim rješenjem pozvani su svi povjerioci da u roku od 30 dana, od dana objavljivanja oglasa o otvaranju stečajnog postupka u "Službenim novinama FBiH" prijave svoja potraživanja Sudu, u skladu sa članom 105. Zakona o stečaju, kao i da u istom roku obavijeste stečajnog upravnika koja prava osiguranja potražuju na predmetima imovine stečajnog dužnika. Oglas je objavljen u "Službenim novinama FBiH" broj 86 dana 08.11.2023. godine.

Ispitno ročište je održano dana 11.01.2024. godine, a radi ispitivanja prijava potraživanja.

Povjerilac KJKP Vodovod i kanalizacija d.o.o. Sarajevo dana 10.05.2024. godine podnio je prijavu potraživanja koja glasi na iznos od 195,72 KM i troškove sudskog postupka u iznosu od 40,00 KM.

Odredbom člana 177. stav 1. i 2. Zakona o stečaju propisano je da će sud odbaciti kao neblagovremene prijave potraživanja podnesene nakon isteka roka od 3 mjeseca nakon prvog ispitnog ročišta.

Kako je prijava potraživanja KJKP Vodovod i kanalizacija d.o.o. Sarajevo dostavljena sudu nakon proteka roka od 3 mjeseca poslije održanog prvog ispitnog ročišta (11.01.2024. godine), to je sud primjenom odredbe člana 177. stav 2. u vezi sa stavom 5. Zakona o stečaju, odlučio kao u izreci.

STEČAJNI SUDIJA
Ivana Kulić

POUKA: Protiv ovog rješenja dozvoljena je žalba Kantonalnom sudu u Sarajevu u roku od 8 dana od dana prijema. Žalbu može podnijeti podnosilac prijave, putem ovog suda, u dovoljnom broju primjeraka za sud i stranke.